

Шайтонга энг яқин ҳолатлар

ШАЙТОНГА ЭНГ ЯҚИН ҲОЛАТЛАР

ЮРАГИМИЗ ШАЙТОН ҲАР ТОМОНДАН КИРИБ ОЛИШГА УРИНАДИГАН ҚАЛЪАДИР. У ИНСОН ҚАЛБИГА ЭГАЛИК ҚИЛИШ УЧУН ТУРЛИ НАЙРАНГЛАРГА ҚОДИР. АММО НАҚАДАР МАККОР БҮЛМАСИН, ШАЙТОННИ ҚАЛБИМИЗГА КИРИТИШ ЁКИ КИРИТМАСЛИКНИ ФАҚАТ ЎЗИМИЗ ҲАЛ ҚИЛАМИЗ.



islam.uz

14:13 / 30.05.2020 18067

Юрагимиз шайтон ҳар томондан кириб олишга уринадиган қалъадир. У инсон қалбига эгалик қилиш учун турли найрангларга қодир. Аммо нақадар маккор бўлмасин, шайтонни қалбимизга киритиш ёки киритмасликни фақат ўзимиз ҳал қиламиз.

Қалбнинг шайтонга қўл келадиган заифликларини ўрганилмагунча, ундан ҳимоя қилиш амаллари мукаммал бўлмайди.

Ғазаб ва эҳтирос

Ғазаб — инсонни енгадиган кучли туйғулардан бири. Ғазаб одамдаги ҳамма яхши нарсаларни яксон қиласди. Дарғазаб инсон қалбидаги яширин нозик торлардан бири шайтон томонга қараб титраб туради.

Бундан ташқари, инсон ғазабланганда, шайтон қўлидаги ўйинчоқقا айланади, натижада иродаси сустлашиб, нафсга қуллик майли пайдо бўлади.

Ҳасад ва баҳиллик

Ҳасад ва баҳиллик туну кундек нарса, бири албатта иккинчисини дунёга келтиради ва инсонни мутлақ диёнатсиз қилиб қўяди. Ҳасад Аллоҳга

ношукурлик ва Парвардигор насиб этган мавқедан норозилик туфайли юзага келади. Инсон ҳасадланаётган пайти Аллоҳни унутади, демак, шайтон измига юради.

Бахиллик – ҳасад натижаси ва биздаги бор нарсаларнинг бари Аллоҳга тегишли экани ҳамда ундан келишини англамасликдир.

Кўп ейиш

Айримлар овқат ейиш қандай қилиб инсонни шайтонга эш қилиши мумкинлигини тушунмайдилар. Ислом мусулмонларга ҳар нарсада меъёрни билишни буюради, чунки ҳаддан ортиқлик бўйсунмасликка, нафсга қулликка олиб келади ва инсонни шубҳали ишларни қилишга ундейди.

Шошқалоқлик

Ҳадисда шундай дейилган: “Мулоҳазакорлик ва андиша Аллоҳдан, шошқалоқлик ва сабрсизлик шайтондандир”.

Инсон шошиб қилишга уринган ҳар қандай иш шайтоннинг найрангидир. Шошмашошарлик кейин афсусга сабаб бўладиган оқибатларга олиб келади. Парвардигор бандаларга ақл берган, албатта, ундан фойдаланишлари, ҳар бир сўз, амални ўйлаб қилишлари ва қизғинлик қурбонига айланмаслик учун.

Камбағалликдан қўрқиши

Камбағалликдан қўрқиши инсонларнинг пулга катта маъно бериб юборишлари ва Аллоҳга келажакларини ишонмасликлари натижасида юзага келади.

Аллоҳ Қуръонда шундай деган: « **Шайтон сизга фақирликни ваъда қиласидир ва фахш ишларга буюрадир. Аллоҳ сизга Ўзидан мағфират ва фазлни ваъда қиласидир. Ва Аллоҳ қамрови кенгдир, ўта билувчи**дир.» (2-сурә, 268-оят).

Меъёрдан ортиқлик

Юқорида таъкидланганидек, Ислом – бу ҳар нарсада меъёр дегани. Меъёрдан ошиш таассуб ва ортиқчаликка олиб келади, бу инсонни тўғри йўлдан оздиради ва уни шайтон ихтиёрига топширади.

Парвардигор Қуръонда шундай дейди: « **Ана шундай қилиб, одамлар устидан гувоҳ бўлишингиз ва Расул устингиздан гувоҳ бўлиши учун сизларни ўрта уммат қилдик** » (2-сура, 143-оят).

Бошқалар ҳақида ёмон хаёлга бориш

« **Эй иймон келтирганлар! Кўп гумонлардан четда бўлинглар, чунки баъзи гумонлар гуноҳдир.** » (49-сура, 12-оят).

Ислом инсонлар ҳақида ёмон гумонга боришни тақиқлайди ва улар ҳақида ҳулқи ва очик амалларига кўра хулоса чиқаришни буюради. Шунингдек, ҳукм чиқариш ҳам тақиқланади, илло бу Аллоҳга ва фақат Ўзига хосдир.

Қоралаб, гумон қилиб, бирорнинг қайғусидан шодланар экан инсон бошқалар билан бирга ўзига ҳам зулм қиласди, асосийси, ўзига шайтонни раҳнамо билиб Ҳақ йўлидан чиқади.

Аллоҳ қалбларимизни шайтон найрангларидан сақласин ва имонимизни мустаҳкам қилсин! Омин!